



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Gradiška

Izveštaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Gradu Gradiška

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Gradiška, u ponedjeljak, 17. januara 2022. godine u trajanju od 10,30 do 12,00 sati u prostorijama Gradske uprave Grada Gradiška, održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Sastanak je bio prilika za OCD da sa mentorom javno prodiskutuju eventualna poboljšanja projektnih prijedloga (bez uplitanja u konkretne projektne ideje).

Prvi termin mentorskog sastanka je najavljen u Pozivu **organizacijama civilnog društva za učešće na prvom mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u Gradu Gradiška** na zvaničnoj internet stranici Grada Gradiške te Razvojnog programa Ujedinjenih nacija (www.undp.org).

Mentorskom sastanku prisustvovalo je ukupno 14 učesnika/ca (13 predstavnika/ca OCD i 1 predstavnica Gradske uprave Grada Gradiška), od čega 12 žena i 2 muškaraca.

Na početku mentorskog sastanka, učesnicima je pojašnjena uloga mentora, naglašavajući da je jedina uloga mentora da ukaže na greške, te ne učestvuje u rješavanju istih. Mentor nema mandat da se direktno uključuje u izradu projektnog prijedloga, te u cilju osiguranja i primjene transparentnog pristupa realizacija mentorstva po principu „jedan na jedan“ nije dozvoljena, tačnije prisustvo mentora i jednog predstavnika jedne OCD nije moguće.

U nastavku su ponovno navedeni elementi Javnog poziva koji mogu dovesti do diskvalifikacije dostavljenih prijedloga projekata, a to su: trajanje projekta (5-10 mjeseci), traženi iznos mora biti u rasponu od 10.000,00 do 70.000,00 KM (ni manji, ni veći iznosi neće biti razmatrani) i sve projektne aktivnosti se moraju sprovesti na području grada Gradiška i u korist stanovnika grada Gradiška.

Tokom mentorske sesije, upućena su sljedeća pitanja:

1. Uloga partnera u projektu

Odgovor: Mentor je naglasio da partner mogu biti OCD odnosno nevladine organizacije koje na isti način moraju ispunjavati uslove Javnog poziva kao i sami OCD aplikant (više informacija u

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



Smjernicama). Partnerstvo između OCD mora biti svrsishodno, a to se prikazuje u dokumentu plan aktivnosti i promocije gdje je potrebno jasno naznačiti za koje aktivnosti je zadužen partner a za koje nositelj projekta/aplikant. No, vrlo bitno je obratiti pažnju da se kod sekcije Kapaciteta aplikanta i partnera ocjenjuje kumulativno iskustvo, znanje, kapaciteti i mogućnosti implementacije predloženog projekta. Aplikanti se upućuju i na pitanje/odgovor broj 9 iz dokumenta Najčešća pitanja i odgovori.

2. Da li se troškovi prevođenja mogu unijeti u projektni budžet?

Odgovor: Da. Naime, prema pravilima Javnog poziva, oni projekti koji budu odobreni i potpisani ugovori, biće obavezni podnijeti set osnovne dokumentacije na engleskom jeziku. Mentor je uputio potencijalne aplikante i na objavljena Najčešća pitanja i odgovori i to konkretno na pitanja broj 1 i 23.

3. Koja je razlika između rezultata i aktivnosti, koliko detaljno obrazlagati aktivnosti?

Odgovor: Ova razlika u pitanju veoma detaljno obrazložena tokom treninga/edukacije za upravljanje projektnim ciklusom i da je veoma teško u kratkom roku dati odgovor na ovo opšte pitanje. No, osnovna razlika je u tome što rezultati predstavljaju osnovu na kojoj će se projekat ocjenjivati. Očekivani rezultati su detaljniji nego sveukupni cilj i pojedinačni ciljevi i trebaju biti potvrdivi putem objektivno potvrdivih indikatora (OPI). Sa druge strane, aktivnosti su koraci koje će omogućiti ostvarenje postavljenih rezultata. Isti se moraju opisati u Projektnom prijedlogu te specificirati u Planu aktivnosti koji predstavlja jedan od aneksa Projektnog prijedloga. Kada govorimo o detaljima koji se trebaju predstaviti, aktivnosti prije svega trebaju biti jasne i specifične da ne bi dovele u sumnju čitaoca da niste sigurni šta trebate uraditi kako biste postigli rezultate. Potrebno je također definisati jasnu vezu aktivnosti sa rezultatima projekta i posebno numerički povezati iste, kako bi se jasno vidjelo koja aktivnost ili set aktivnosti je vezan za koji rezultat. Predviđene aktivnosti trebaju biti grupisane i povezane sa relevantnim projektnim rezultatima.

4. Kako uskladiti broj mjeseci projekta sa kalendarskim mjesecima u godini?

Odgovor: Naime, iako postoji orijentacioni plan kada bi projekti trebali započeti, i to predstavlja orijentacionu osnovu za planiranje projekta, veoma je bitno naglasiti da aplikanti ne navode nazive mjeseci u kojima će neku aktivnost sprovesti unutar Plana implementacije. Dakle, u koloni koja se odnosi na broj mjeseci, ne treba mijenjati brojeve nego se ravnati prema broju aktivnosti. Konkretno, ako određena aktivnost traje prva tri mjeseca, aplikant ne navodi npr. mart, april i maj, nego mjesec 1, 2 i 3 – odnosno, u planu aktivnosti označi one ćelije koje su predviđene za ove mjesece. Dodatno, obratiti pažnju da indikatori (koji bi trebali biti vremenski određeni) u kojima je definisano do kada će se postići poklapaju sa planom aktivnosti. Naprimjer, ako je indikator u Logičkoj matrici: „Minimalno 10 osoba je povećalo znanje o pisanju projekata do kraja šestog mjeseca“, onda aktivnosti vezane za ovaj indikator se moraju označiti da će trajati šest mjeseci u samom Planu aktivnosti.

5. Da li je dozvoljeno da zaprimljena sredstva od drugog donatora budu ponuđena kao sufinansiranje na ovom Pozivu?

Odgovor: Da, dozvoljeno je sufinansiranje projekata ali samo u slučajevima kada su sredstva osigurana i nisu već odobrena za (su)finansiranje drugog projekta – odnosno, mogu biti samo nenamjenska. No, potrebno je naglasiti da nije obavezno sufinansiranje od strane OCD na ovom konkretnom pozivu niti se dodatno boduje ovaj element tokom procjene kvalitete projektnih prijedloga.

6. Da li jedna osoba može raditi na projektu i biti edukator na projektu?

Ne, jedna osoba ne može biti angažovana na projektu po dva osnova. Odgovor na ovo pitanje se također može pronaći u pitanju/odgovoru Broj 25 iz dokumenta Najčešća pitanja i odgovori.



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



Prisutni su posebno upoznati sa uputama vezanim za financije u projektu koje će kroz implementaciju biti još detaljnije objašnjene onim čiji projekti budu odobreni po Javnom pozivu. Data je preporuka da se ne otvaraju posebni namjenski transakcijski računi, gdje svrstati bankarske troškove, troškove prevođenja projektnih prijedloga i slično, naglašeno je i da gotovinsko plaćanje neće biti moguće.

Također, u toku mjeseca januara će biti organizovana dodatna 2 mentorska sastanka, kako bi predstavnicima/acama OCD-a bila pružena podrška prilikom pripreme projektnih ideja, i to:

1. **Drugi sastanak sa mentorom u ponedjeljak, 24. januara 2022. godine u prostorijama Gradske uprave, ulica Vidovdanska 1a, Grad Gradiška** (vrijeme održavanja sastanka biće naknadno objavljeno).
2. **Treći sastanak sa mentorom u petak, 28. januara 2022. godine u prostorijama Gradske uprave, ulica Vidovdanska 1a, Grad Gradiška** (vrijeme održavanja sastanka biće naknadno objavljeno).

Potvrdu o prisustvu na mentorskim sastancima potrebno je poslati na danijela.rosic.malinovic@gradgradiska.com.

U svrhu transparentnosti, svi zapisnici, uključujući ovaj, sa održanih sastanaka sa mentorom će biti objavljeni na stranici Grada Gradiške. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.